

ՀԱՅ ԵԿԵՂԵՑՈՒ ԹԵՄԱԿԱՆ ԲԱԺԱՆՈՒՄԸ IV ԴԱՐՈՒՄ

Ա. Ս. ՂԱԶԱՐՅԱՆ

Քրիստոնեության ընդունման սկզբնական շրջանում հայ և օտար աղյուրները տեղեկություններ են տալիս գլխավորապես Հայաստանի արևմտյան և հարավ-արևմտյան երկրամասերում եղած եկեղեցական թեմերի մասին: Իհարկե, IV դարում, Հայաստանում դեռևս նոր պետական կրոն ճանաչված քրիստոնեությունը չէր կարող միանգամից արմատավորվել ողջ երկրում և ամբողջ տարածքով մեկ չէին կարող անմիջապես հիմնվել մեծ թվով եկեղեցական թեմեր: Բայց ինչու հատկապես Հայաստանի արևմտյան և հարավ-արևմտյան մասերում հիմնվեցին առաջին թեմերը և արդյո՞ք IV դարի սկզբին թեմեր չկային արևելյան երկրամասերում:

Կևսարիայում ձեռնադրվելուց և վերադառնալուց հետո, Գրիգոր Լուսավորիչը ձեռնամուխ է լինում եկեղեցու կազմակերպմանը, և դա նրան շատ արագ հաջողվում է, որովհետև Մեծ Հայքի որոշ գավառներում և երկրամասերում նախապես կային քրիստոնեական համայնքներ և եպիսկոպոսներ: Այսպիսով հայտնում է. որ Գրիգոր Լուսավորիչը Հայաստանի զանազան հաճախների համար եպիսկոպոսներ ձեռնադրեց, իրեն վերապահելով Այրարատյան հաճախը՝ քանի որ Հայոց թագավորն այնտեղ էր նստում: Աղաթանգեղոսը 12 եպիսկոպոսների անուններ է տալիս, առանց նշելու նրանց թեմերը, այնուհետև ավելացնում, որ դրանք հին քրմական դասից էին: Ահա Աղաթանգեղոսի հայերեն խմբագրության այդ հատվածը. «...առեալ ձեռնադրութիւն ի նմանէ, որոց առաջնոյն՝ Աղբիանոս, որ ապա կողմանցն Եփրատակտն գետոյն լինէր վերակացու, երկրորդին՝ Եւտաղիոս, որ ի կողմասս վայրացն Բասկնոյ կացեալ լինէր հովիւ, երրորդն՝ Բասոս. չորրորդն՝ Մովսէս, հինգերորդն՝ Եւսեբիոս, վեցերորդն՝ Յովհաննէս. եօթներորդն՝ Աղապէս. ութերորդն՝ Արտիթէս, իններորդն՝ Արսուկէս, տասներորդն՝ Անտիոքէս. մետասաներորդն՝ Տիրիկէս, երկուսասաներորդն՝ Կիրակոս: Այսք՝ որ յորդոց քրմացն ընտրեցան լինել եպիսկոպոսոք կողմանց կողմանց, աճեցուցանէ զքարոզութիւն»¹: Պողոս Անանյանի բացատրությամբ, դա հայ խմբագրի տեսակետն է, ըստ որի Հայաստանում մինչև Գրիգոր Լուսավորիչը չկար քրիստոնեություն և եպիսկոպոսներ ընտրվեցին նախկին քրմերից, որոնք դարձի եկան և հասան եպիսկոպոսության աստիճանին²: Ս. Գրիգորի հունարեն վարքը վկայում է, որ Գրիգոր Լուսավորչի ձեռքով ձեռնադրվում են 13 եպիսկոպոսներ (այստեղ ութերորդը նշված է Աղբիոսը, որը չկա հայերեն խմբագրության մեջ): Եպիսկոպոսների անունների հետ հիշվում է նաև համապատասխան վիճակը: Սրանցից առաջինը՝ Աղբիանոսն է, միակ նախկին քուրմը, որ քրիստոնյա դառնալուց հետո արժանի է լինում եպիսկոպոսական աստիճանին: Անանյանը դրում է, որ մնացած 12 եպիսկոպոսների անուններից շատերը կամ հունական կամ աստվածաշնչյան ծագում ունեն, հետևաբար՝ եղել են քրիստոնյաներ³:

1 Աղաթանգեղոս, Պատմութիւն Հայոց, Թիֆլիս, 1914, էջ 426—427:

2 Պ. Անանյան, Քրիստոնեության հետքեր Հայաստանի մեջ Ս. Գրիգոր Լուսավորչի քարոզութենէն առաջ. Վննետիկ, 1979, էջ 26:

3 Նույն տեղում:

Մենք ևս հակված ենք այն կարծիքին, որ այդ եպիսկոպոսները նախկինում (մինչև եպիսկոպոս ձեռնադրվելը) եղել են քրիստոնյաներ, բայց նրանց անունների հունական կամ աստվածաշնչյան ծագումը չենք ընդունում որպես գլխավոր փաստարկ: Քանի որ այդ 13 եպիսկոպոսների քրիստոնյա անունները մեզ ոչինչ չեն ապացուցում, որովհետև հնարավոր է, որ դարձի գալուց հետո քրմերը ինչպես ընդունված է, փոխեն իրենց անունները և կրեն քրիստոնեական անուններ: Հետևաբար, այստեղ պետք է ուշադրություն դարձնել այն հանգամանքի վրա, որ սրանք այն գավառների թեմակալ առաջնորդներն են, որտեղ մինչ Գրիգոր Լուսավորիչը եղել են քրիստոնեական համայնքներ, եկեղեցիներ կամ մատուռներ (այս սասին կիսովի ստորև), և հնարավոր է, որ մինչ եպիսկոպոս ձեռնադրվելը նրանցից շատերը եղել են քրիստոնյաներ: Գրիգոր Լուսավորիչն այս եպիսկոպոսներին ուղարկում է Հայաստանի հետևյալ գավառները՝ որպես թեմակալ առաջնորդներ.

1. Աղբիսոսին՝ Բագրևանդ և Սփրատի շուրջը եղած շրջանները.
2. Եւթաղիոսին՝ Բասեան
3. Բասոսին՝ Կոտայք
4. Մովսէսին՝ Եկեղիք և Դերջան
5. Եւսեբիոսին՝ Դարանաղի
6. Յովհաննէսին՝ Կարին
7. Ագապէսին՝ Սպերի կամ Սպարապետութեան տան
8. Աղբիսոսին՝ Տարօնի և Տայոց երկրների և Մամիկոնեան տոհմի
9. Արտիթէսին՝ Խոռխոռունիք և Մաղխազների երկիր
10. Արսուկէսին՝ Շիրակ
11. Անտիոքէսին՝ Կորդուք
12. Տիրիկէսին՝ Վանանդ-Աբեղեանք-Գաբեղեանք
13. Կիրակոսին՝ Արշամունիք⁴:

Ինչպե՞ս, այս ցանկին պետք է ավելացնել Այրարատը, որը կաթողիկոսի անմիջական ենթակայության տակ էր և Վաղարշապատում էր գտնվում նրա նստավայրը: Եկեղեցական ժողովների արձանագրություններում, պատմիչների մոտ և այլ աղբյուրներում Հայոց կաթողիկոսը հաճախ նշվում է որպես «եպիսկոպոս Այրարատոյ»: Հետևաբար, ավելի ճիշտ կլիներ խոսել ոչ թե 13, այլ 14 թեմերի մասին:

Հունարեն Ագաթանգեղոսի մեջ հիշատակված է Աղբիսոս եպիսկոպոսը, որը հայերեն խմբագրության մեջ բացակայում է: Աղբիսոսը հիշատակված է նաև Ագաթանգեղոսի արաբերեն խմբագրության մեջ՝ որպես Տարօնի և Բզնունիքի եպիսկոպոս: Պետք է ասել, որ արաբերեն խմբագրությունը այս խնդրում հարազատությամբ կրկնում է հունարենին, մի բացառությամբ միայն, որ Տիրիկեսը նշված է ոչ թե Վանանդի, այլ Ատրպատականի եպիսկոպոս: Գրիգոր Լուսավորիչ կողմից ձեռնադրված Աղբիսոս եպիսկոպոսի մասին (Աղուբիսոս ձևով) հիշատակված է նաև մի Գավազանագրքում՝ «Յիշատակութիւնք եպիսկոպոսաց առաքելական վիճակիս Արտաշատ» վերնագրով, «Անընդհատ շարունակութիւն Առաքելական յաջորդութեան ուղղափառ Ս. Եկեղեցւոյ Հայաստանեայց» ընդհանուր խորագրի տակ: Ահա այդ Գավազանագրքի մեզ հետաքրքրող հատվածը. «Արդ, յետ լուսաւորութեան աշխարհիս Հայոց, որ եղեւ ի ձեռն սրբոյն Գրիգորի հովուապետութեան, կարգեաց զբոլոր Հայաստան աշխարհս առաջնորդ եւ տեսուչ հաւատացելոց՝ հրամանաւ քաջին Տրդատոյ

⁴ G. Garitte. Documents pour l'étude du livre d'Agathange. Vaticano, 1946, p. 102—104, § 172.

⁵ Н. Марр. Крещение армян, грузин, абхазов и аланов. СПб., 1905, с. 137—139. Տե՛ս նաև՝ Ն. Մ ա ո. Մկրտություն հայոց, վրաց, աբխազաց և ալանաց, թրգմ. Հուսիկ արքեպիսկոպոս. Վաղարշապատ, 1911, էջ 71—72: Ն. Ա դ ո ն ց. Հայաստանը Հուստի-նիանոսի դարաշրջանում. Երևան, 1987, էջ 365:

արքային Հայոց բարեպաշտի Յայնժամ ասի՝ թէ ըստ խնդրանաց եկեղեցւոյն Աղուբիոս անուն ոմն ձեռնադրեաց եպիսկոպոս առաքելական վիճակին Արտաղու։ Սա կտցեալ եպիսկոպոսութեան անդ ամս ԻԾ։ Զկնի սորին կարգեալ է եկեղեցին Դանիէլ անուն ոմն եպիսկոպոս։ Սա կացեալ է ամս ԺԼ⁸։ Այստեղ հիշատակված երկու եպիսկոպոսների՝ Դանիելի և Աղբիոսի (Աղուբիոս) անունները ցույց են տալիս, որ այս Գավազանագիրքը կազմողը ձեռքի տակ ունեցել է պատմական վավերաթղթեր, որոնցից օգտվելով կազմել է Արտաղի եպիսկոպոսների ցուցակը, որի համաձայն, բոլորն էլ ձեռնադրվել են Դրիգոր Լուսավորչի կողմից։ Հացունին ճիշտ կերպով նկատել է, որ «ցուցակդ հորինվում է հօգուտ Արտաղու աթոռին առաքելականութեան, որ կը հեղհեղվի հոս ստեպա»⁹։ Իրոք, Գավազանագիրքը կազմվել է այն շրջանում, երբ Արտաղի աթոռը սկսել էր ավելի կարևորություն ստանալ, այսինքն՝ ՃԼV դարում, Ջաքարիա Մործորեցու ժամանակ (1330 թ.), երբ նա Արտաղի եպիսկոպոսն էր։ Լացի այդ, մեր հնագույն ժողովական արձանագրություններում և պատմիչների մոտ բոլորովին բացակայում է Արտաղի աթոռի հիշատակությունը՝ որպես IV դարում հիմնված թեմի։ Վերահիշյալ Գավազանագիրքը կեղծիք է համարել նաև Պ. Անանյանը։ Միաժամանակ, նա նշում է, որ այստեղ ամեն ինչ չէ, որ հորինված է։ Աղբիոս և Դանիել եպիսկոպոսների անունները մեզ ծանոթ են, մեկը՝ Ս. Գրիգորի հունարեն Վարքից, մյուսը՝ Փափստոս Բուղանդի «Պատմությունից»։ «...Այս երկու եպիսկոպոսները,—գրում է Անանյանը,—ոչ թէ Արտաղու վիճակին եպիսկոպոսներ են, այլ՝ Աշտուշատի, որ նույն ատեն Հայաստանի Մայր Եկեղեցին էր։ Առաջինը Աղուբիոս (Աղբիոս), ս. Դրիգորեն կարգվեցավ Տարոնի, «առաքելական աթոռին» եպիսկոպոս, և որուն անունը պահած է հունարեն Վարքը և անհետացած էր Ագաթանդղոսի ներկա խմբագրության մեջն։ Ուրեմն, Գավազանագիրքը կազմողը, այդ անունը ոչ հերյուրած է, և ոչ ալ գտած է Ագաթանդղոսի մեջ. այլ պետք է գտած ըլլա պատմական ուրիշ վաւերաթուղթի մը մեջ, որ նույնիսկ կրնա գավազանագիրք մը եղած ըլլալ, քանի որ հոն նշանակված են թև անոր աթոռակալության տարիները և թե անոր անմիջական հաջորդը, նմանապես աթոռակալության տարիներով»¹⁰։

Աղբիոսը, այսպիսով, Ագաթանդղոսի հունարեն խմբագրության համաձայն, նշանակվում է Գրիգոր Լուսավորչի փոխանորդ¹¹։ Տարոնի եպիսկոպոսին, ս. Գրիգորի կողմից իր փոխանորդ նշանակելը խոսում է այն մասին, որ հենց այստեղ (Աշտուշատում) էր գտնվում Հայաստանի գլխավոր եկեղեցին IV դարում։ Իսկ Աղբիոսին տրված գովեստները ցույց են տալիս, որ նա կրթված և զարգացած եպիսկոպոս էր¹², հմուտ հունարեն ու լատիներեն լեզուներին, քաջածանոթ Ս. Գրգին, և պատահական չէր, որ հենց նրան է Գրիգոր Լուսավորիչը կարգել Տարոնի՝ որպես առավել նշանավոր և կարևոր թեմի եպիսկոպոս։ Արաբական վերսիսն են վկայում է, որ Աղբիոսը լավ ծանոթ էր Ս. Գրգին, գիտեր մի քանի լեզուներ և կրթված հոգևորական էր։ «Սի երանելին Գրիգոր պատուիրեաց եպիսկոպոսին Աղբիոսի և ասաց ցնա. «Սի եպիսկոպոսն վարժեալ էր յայլ և այլ գիտութիւնս ի հռովմայեցեաց և ի հեթանոսաց բարբառս։ Եւ էր հզօր ի մեկնութիւնս սուրբ գրոց և ընդ նորա տեսչութեամբ էին Տարօն և Բզուն»¹³։ Ահա այս մասին է, որ չկա Ս. Գրիգորի վարքի՝ մեզ հասած հայերեն խմբագրությունում։ Այն, որ Տարոնի թեմի և Աղբիոսի անունը չկա հայերեն խմբագրության մեջ, հավանաբար կապված է

⁸ «Արարատ», 1868. № 8, էջ 103։

⁹ Հ ա ջ ու ի ի. Կաթողիկոս Կաթողիկոսի հայ եկեղեցվո պատմությունն. Վենետիկ, 1927, էջ 100։

¹⁰ Պ. Ա ն ա ն յ ա ն. Փրիստոնեություն հետքեր..., էջ 40։

¹¹ G. Garitte. Op. cit., p. 103, § 172.

¹² Նույն տեղում, էջ 114, 193։

¹³ H. Mapp. Ն'каз. соч., с. 137—139.

հետևյալ հանգամանքի հետ. հայերեն խմբագրին անընդունելի պետք է լիներ վաղարշապատի (էջմիածնի)՝ V դարից սկսած արդեն որպես Հայոց Մայր եկեղեցու դերի անտեսումը և այն պատիվն ու տեղը, որ հատկացված էր Աշտիշատի (Տարոնի) եկեղեցուն և նրա եպիսկոպոսին:

Ազաթանգեղոսի մի շարք խմբագրությունների (հայերեն, հունարեն, արաբերեն և այլն) այս և բազմաթիվ հակասություններ ուսումնասիրության նյութ են հանդիսացել հայ և օտար մի շարք գիտնականների համար (Ն. Ադոնց, Պ. Անանյան, Ա. Տեր-Ղևոնդյան, Ն. Մառ, Հ. Գեյցեր, Ժ. Գարիտ, Մ. Վան էսբրուք և այլն): Ուսումնասիրելով Բուզանդի, Փարպեցու, Խորենացու մոտ Ազաթանգեղոսից պահպանված բազմաթիվ հատվածներ, բոլորն էլ հանգել են այն եզրակացության, որ հայերեն նախնական բնագիրը մեզ հայտնի չէ. մեզ հասած հայերեն խմբագրությունը գրվել է V դարի առաջին կեսին, իսկ հունարեն և արաբերեն խմբագրությունները թարգմանված են մեզ չհասած հայերեն բնագրից: Հետևաբար, հատկապես Ազաթանգեղոսի հունարեն խմբագրությունն ավելի հարազատ է հայերեն բնագրին և պատմական մանրամասնություններով հարուստ, ավելի է լույս սփռում Հայաստանում նախագրի գոյության քրիստոնեության գոյության, եկեղեցիների և քրիստոնեական կենտրոնների վրա:

Մենք արդեն նշել ենք, որ Աշտիշատի եկեղեցին և Տարոնի եպիսկոպոսը կարևոր դեր են խաղացել Հայաստանում IV դարի ընթացքում: Աշտիշատն էր Հայոց հոգևոր կենտրոնը քրիստոնեության արշալույսին: Այս բանը հաստատվում է նաև Փավստոսի բազում վկայություններով. «Ձայնու ժամանակաւ երթեալ հասանէր եպիսկոպոսապետն Վրթանէս ի մեծն յառաջին ի մայր եկեղեցեացն Հայոց, որ էր յերկրին Տարօնու»¹²: Աշտիշատի եկեղեցին կոչվում էր մեծ, առաջին և մայր՝ Հայաստանի բոլոր եկեղեցիների¹³, «գլխաւոր սեղան, աթոռ իշխանութեան հայրապետացն»¹⁴ և այլն: Աշտիշատը, եկեղեցական կենտրոն լինելով, ժողովների գումարման գլխավոր վայրն էր: Ներսես կաթողիկոսը Կեսարիայում օծվելուց հետո գնում է Տարոն և հրամայում Հայոց աշխարհի բոլոր եպիսկոպոսներին հավաքվել այնտեղ: «Ժողովեցան ի գիւղն Աշտիշատ, ուր զառաջինն զեկեղեցին էր շինեալ, զի նա էր մայր եկեղեցեացն, և ի տեղի լեալ նախնեացն ժողովոց պիւնհոգոսին»¹⁵: Պ. Անանյանը ևս, հիմնվելով Ազաթանգեղոսի հունարեն և արաբերեն խմբագրությունների ու Բուզանդի տեղեկությունների վրա, հետաքրքիր եզրակացությունների է հանգում Գրիգոր Լուսավորչից առաջ Հայաստանում եղած քրիստոնեական համայնքների վերաբերյալ, որի կենտրոններից մեկն էր Աշտիշատը: Մասնավորապես՝ Հայաստանյայց Մայր եկեղեցին IV դարում գտնվել է ոչ թե վաղարշապատում, այլ Աշտիշատում, չնայած այն բանին, որ վաղարշապատում Գրիգոր Լուսավորչը կառուցել էր Ս. էջմիածինը և ինքն էլ նստում էր այնտեղ¹⁶: Անանյանից առաջ Հ. Գեյցերն է իր «Փառստոս Բիւզանդ կամ Հայկական եկեղեցւոյ սկզբնաւորութիւնը» գրքում¹⁷ հանգել այդ գաղափարին, այսինքն՝ Աշտիշատի եկեղեցին ամբողջ IV դարի ընթացքում հատուկ դիրք և կարևորություն է ունեցել, իբրև առաջին Մայր եկեղեցի: Մեզ հասած Ազաթանգեղոսի հայերեն խմբագրությունը պաշտոնական եկեղեցու ընդունած խմբագրությունն է, որը ժխտում է նախագրի գոյության շրջանի եկեղեցիների և քրիստոնեության գոյությունը և ամեն ինչ վերագրում Գրիգոր Լուսավորչին: Մեզ ծանոթ հայերեն Ազաթանգեղոսը Գրիգոր Լուսավորչին ներկայացնում է

¹² Փավստոս Բուզանդ. Պատմություն Հայոց. Երևան, 1987, դպր. Գ. դ. Գ, էջ 14:

¹³ Նույն տեղում, դպր. Գ, դ. ԺԴ, էջ 58:

¹⁴ Նույն տեղում, էջ 60:

¹⁵ Նույն տեղում, Գ, դ. Դ, էջ 118:

¹⁶ Պ. Անանյան. նշվ. աշխ., էջ 15—16:

¹⁷ Հ. Գեյցեր. նշվ. աշխ., Վենետիկ, 1896, էջ 58 և հտ.:

իրեն քրիստոնեության առաջին քարոզիչ, մոռացնել տալով նախկին հալածված քրիստոնեության գոյությունը: Սակայն իրականում, նա եղել է նախկին քրիստոնեության վերականգնողը և շարունակողը¹⁸: Գեղեցիկ ճիշտ կերպով նկատել է, որ մինչև ներսևս կաթողիկոսի մահը Հայոց եկեղեցին կախում ուներ Կեսարիայից, իսկ այն ժամանակ միայն հնարվեց Վաղարշապատի պրույցը կամ ավանդությունը, երբ որ իսպառ բնդհատվեց Կեսարիայի հետ ունեցած հարաբերությունը¹⁹: Աշտիշատից բացի մատուռներ կամ եկեղեցիներ են գոյություն ունեցել նաև Եկեղյաց դավառում, ուր ամփոփված էին IV դարի սկզբին նահատակված Թեոդոր Սալհունու նշխարները²⁰, Ապերում, Դարանաղիում, Աղծնիքում (իրենց քրիստոնեյա հոգևորականներով) և այլուր, այսինքն՝ այնտեղ, որտեղ կազմավորվել են Հայ եկեղեցու առաջին թեմերը:

Հունարեն Ադաթանգեղոսը վկայում է, ինչպես տեսանք, որ Ս. Գրիգորը եպիսկոպոսական թեմ է հիմնել նաև Կորդուքում, որն իր աշխարհագրական դիրքով (Մեծ Հայքի հարավային գավառներից է) մի քիչ առանձնացած է մյուսներից: Կորդուքում ևս, ինչպես մյուս գավառներում, որտեղ հիմնվեցին առաջին թեմերը, նախքան հայոց պաշտոնական դարձը պետք է եղած լինի քրիստոնեական համայնք: Այդ մասին անուղղակի վկայություն կա Եվսեբիոս Կեսարացու Պատմություն եկեղեցույց աշխատության մեջ, ուր երկու անգամ խոսվում է հայ քրիստոնյաների մասին: Մի անգամ բյուզանդական կայսր Մաքսիմիանոս Դայայի (305—313)՝ քրիստոնյաների դեմ հալածանքների կապակցությամբ, մյուս անգամ հիշում է Մեհրուժան անունով մի հայ եպիսկոպոսի, որին նամակ էր գրել Ալեքսանդրիայի Դիոնիսիոս եպիսկոպոսը²¹: Ահա այդ վկայություններից առաջինը. «Յարեալ և պատերազմ ի բռնաւորէն ընդդէմ Հայոց, որք ի սկզբանէ անտի բարեկամք և մարտակիցք էին Հռովմայեցոց, զորս քրիստոնեայս և յերկրպագութիւն ճշմարտին Աստուծոյ փոյթըս, նեղելով բռնաւորին, ատելոյն Աստուծոյ, զի կոտց և զիւաց զհօնացն, փոխանակ բարեկամաց թշնամիս, և փոխանակ նիզակակցաց պատերազմողս ընդդէմ իւր յարոյց զնոսա»²²: Եվսեբիոսի այս վկայությունը քննության նյութ է դարձրել ֆրանսիացի պատմաբան Դյուլշենը և իր տեսակետները հայտնել այնտեղ հիշատակված հայերի մասին²³: Այդ հայերը չէին կարող Հայոց Տրդատ III թագավորի իշխած Մեծ Հայքի հայերը լինել, քանի որ Դեկոս կայսեր հրովարտականքը (որով հալածանքի էին ենթարկվում քրիստոնյաները) անհնարին է, որ անկախ Հայաստանի մեջ հրապարակված ու գործադրված լինեին: Հռոմեական օրենքները երբեք Հայաստանում չեն գործել և հռոմեական պետությունը երբեք չի միջամտել հայոց ներքին խնդիրներին: Ուստի դժվար է ենթադրել, գրում է Դյուլշենը, որ Հռոմը Մեծ Հայքի Տրդատ թագավորի վրա կրոնական օրենքներ կամ կալանքներ դնեք²⁴: Եվսեբիոսի հիշատակած հայերը չէին կարող նաև Փոքր Հայքի հայերը լինել, քանի որ նրանք դարեր ի վեր հպատակ էին Հռոմեական պետությանը, և ոչ թե

18 Պ. Անանյան. նշվ. աշխ., էջ 77—78:

19 Հ. Գեղեցիկ. նշվ. աշխ., էջ 64—65:

20 Դ. Ալիշան. Հայապատում. Վենետիկ, 1901, էջ 175—179: Նույնի՝ Արշալույս քրիստոնեության ի Հայս, Վենետիկ, 1920, էջ 91—93:

21 Եւսեբիոս Կեսարացի. Պատմութիւն եկեղեցւոյ, Վենետիկ, 1877, դիրք 2, դլ. Խ2, էջ 517:

22 Նույն տեղում, դիրք Թ, պ. Ը, էջ 688—689:

23 Duchesne. L'Arménie chrétienne dans l'histoire Ecclesiastique d'Eusébe, Mélanges Nicole. Geneve et Bale, 1905, pp. 105—109. Հայ թրգմ. տե՛ս հ. Պ. Ֆէրհատյան. Քրիստոնեյա Հայաստանը Եվսեբիոսի եկեղեցական Պատմության մեջ.—«Հանգես Ամսօրյա», ԽԴ, 1910, էջ 268—271:

24 Duchesne. Op. cit., p. 108.

յով նրա կողքին ապրող «Բարեկամներ և նիզակակիցներ էին»²⁵։ Մեր կարծիքով Դյուշենը ճիշտ կերպով եզրակացնում է, որ դրանք «Անդրտիգրիսյան» կոչված երկրամասերի հայերն էին։ Երկրամասեր, որոնք Հայաստանին էին պատկանում մինչև 297 թ., բայց այդ թվականին Դիոկղեսիոսի զորավար Գալերիոսի՝ պարսից նկատմամբ տարած հաղթանակից հետո, Մծրինի պայմանագրով (298) մտան հռոմեական գերիշխանության տակ, Տիգրիս գետը սահման ընդունելով Պարսկաստանի և Հռոմի միջև։ Այդ երկրամասերն էին՝ Սոֆենե-Մոփքը, Ինգելենե-Անգեղտունը, Արղանենե-Արզնարզին, Կորդուենե-Կորդուք, Միջագետքի Մավդեք, Ռեհիմենե-Արվաստան գավառները և Մոքսենե-Մոկքը։ Սրանք Մեծ Հայքի հարավ-արևելյան և հարավային գավառներն էին, որոնք մտան Հռոմի անմիջական գերիշխանության տակ՝ առանց խզելու իրենց ներքին կապը Հայաստանից և կառավարվում էին իրենց բնիկ հայ իշխանների կողմից։ Այս գավառների ներքին կյանքում ոչինչ չփոխվեց։ Միակ փոփոխությունը, որ տեղի ունեցավ, թերևս այն էր, որ այդ երկրամասերի բնիկ հայ իշխանները քաղաքականապես Հայոց թագավորի կողմից կառավարվելու փոխարեն, ենթարկվում էին հռոմեացի կառավարչին։ Մանանդյանը ևս գտնում է, որ դրանք Անդրտիգրիսյան երկրներն են եղել։ Նա գրում է, որ Մաքսիմիոսը պատերազմ էր մղել ոչ թե քրիստոնեություն ընդունած Տրդատ III-ի դեմ և կամեցել վերահաստատել Հայաստանում հեթանոսությունը, այլ՝ Անդրտիգրիսյան երկրներից մեկի դեմ, որ 298 թ. Մծրինի պայմանագրով միացվել էին կայսրությանը²⁶։ Այդ երկրամասերում քրիստոնեական համայնքներ կազմավորվել էին դեռևս մ. թ. II դարում։ Ըստ Թադեոս Առաքյալի Վկայաբանության, նրա առաքելության շրջանակը գծված է Մծրինի շուրջը, Ուռհա, Կորդվաց աշխարհ, Մավդեք, Արզն²⁷ և այլն։ Ուստի, պատահական չէ, որ ս. Գրիգորի հիմնած առաջին թեմերից մեկը գտնվել է հենց այդ գավառներում (կամ դրանցից մեկում, կոնկրետ՝ Կորդուքում), ուր կային վաղքրիստոնեական համայնքներ։ Փավստոսը վկայում է, որ երբ Ս. Ներսեսը Գնելի սպանության պատճառով գժտվեց Արշակի հետ, վերջինս որոշեց նրա տեղը կաթողիկոս դնել Չոնակին և Վհրաման տայր կոչել զամենայն եպիսկոպոսս Հայոց աշխարհին», որպեսզի զան ձեռնադրեն այդ նոր թեմանաժուին։ Նրա կոչին արձագանքեցին երկու հոգի միայն՝ Աղծնյաց և Կորդվաց եպիսկոպոսները²⁸, Այսպիսով, Փավստոսը ևս վկայում է, որ արդեն IV դարում Կորդուքում և Աղծնիքում գոյություն ունեին Հայաստանյայց Աթոռին պատկանող եկեղեցական թեմեր, որ լիովին համընկնում է հունարեն Ագաթանգեղոսի տվյալների հետ։

Եվսերիոսի մյուս վկայությունը, ինչպես ասվել է, վերաբերում է Մեհհրուժան անունով եպիսկոպոսին։ Ընդհանրապես դա հայ եկեղեցականի մասին եղած ամենահին տեղեկությունն է, ըստ որի III դարի կեսերին (248—265 թթ.) հայ Մեհրուժան եպիսկոպոսը գրազրություն է ունեցել Ալեքսանդրիայի Դիոնիսիոս եպիսկոպոսի հետ²⁹։ Ինչպես ապացուցում է Ադոնոր, նրա նստավայրո՝ Կոնստանդնուպոլսից հեռավոր Մոփքից աշխարհի Անգեղ գավառում³⁰, Մեհրուժան եպիսկոպոսի մասին այդ հիշատակությունը վկայում է, որ արդեն III դարի կեսերին Մոփքում գոյություն ունեի քրիստոնեական եկեղեցի, որի հետագա

²⁵ Duchesne. Op. cit., n. 108.

²⁶ Հ. Մանանդյան. Քննական տեսություն հայ ժողովրդի պատմության. հ. Բ, մաս Ա, Երևան, 1978, էջ 130։

²⁷ Վկայաբանություն Թադեոս Առաքյալի.—Մոփքը Հայկական, վեներիկ, 1853, հ. էջ 11։ Տե՛ս նաև՝ Մ. Օրմանյան. Աղագապատմ. հ. Ա, Կ. Պոլիս, 1912, էջ 21—22։

²⁸ Փավստոս, դպր., Դ, գլ. ԺԶ, էջ 194։

²⁹ Եվսերիոս Կեսարացի, դպր. 2, գլ. ԽԶ, էջ 517։

³⁰ Ն. Ադոնյան. Նշվ. աշխ., էջ 386։

զարգացումով Լափսկոպոսություն ստեղծվեց Մոփաց աշխարհին հարևան Տարոն դալմառում (Աշտիշատում)³¹։

Ծղնահալի մոտիկությունն այս դավառներին (Կորդուբ, Աղձնիք, Մոփք և այլն) ենթադրել է տալիս, որ քրիստոնեությունն այստեղ թափանցել է Նգեսիայից, այսինքն՝ քրիստոնեության այն հոսանքը (այդ մասին կխոսվի ստորև), որ մոտք դործեց Հայաստան հարավից, սկզբում՝ Մոփք, այնուհետև Տարոն, Բղնունիք և այլն, ուր և հաստատվեցին առաջին եկեղեցական թեմերը։

Մենք արդեն խոսել ենք հունարեն Ագաթանգեղոսի և Բուզանդի՝ եկեղեցական թեմերին վերաբերող տեղեկությունների համապատասխանության մասին։ Սակայն Աղոնյոց դոմնում է, որ Ագաթանգեղոսի տվյալները բոլորովին պիտանի չեն Դրիդոր Լուսավորչի օրոք եկեղեցական հիերարխիայի վիճակը պարզելու համար, և որպես միակ վստահելի աղբյուր նշում է Բուզանդի «Պատմությունը», ամեն կերպ հակադրելով այն Ագաթանգեղոսին։ Աղոնյոն այն տեսակետին է, որ Լթև Բուզանդն ընդամենը մի քանի եպիսկոպոսական թեմ է նշում IV դարի վերջում, ապա դարի սկզբում դրանք պետք է որ տվելի քիչ լինեին, և որ Ագաթանգեղոսն անհավաստի աղբյուր է Հայ եկեղեցու սկզբնավորման շրջանում նրա նվիրապետության ուսումնասիրման համար³², նա դրում է, որ Փյուվստոս Բուզանդի նկարագրած ժամանակաշրջանում քրիստոնեական եկեղեցին Հայաստանում շատ քիչ եպիսկոպոսություններ ուներ, և որպես դրա հիմնական կռվան, նշում է Խոսրովի թագավորության ժամանակ իր աշխատության վերջում պատմիչի թվարկած մի քանի Լափսկոպոսություններ³³։ Իրոք, Բուզանդը հիշատակում է մի քանի եպիսկոպոսների անուններ՝ Բասենի, Բադրեանդի, Վանանդի, Տայքի, Տարոնի, Մանադկերաի, Կորճարի³⁴, ինչպես նաև Աղձնիքի³⁵։ Բայց Բուզանդը գոյություն ունեցող ոչ բոլոր թեմերն է նշում, նա նպատակ չի ունեցել թվարկել բոլոր թեմերը և, բացի այդ, պատմիչը գրում է, որ Ներսես Մեծի ժամանակ նրա «ձեռնարկն իշխանություն» տակ էին տասնհինգ դավառ կամ վիճակ, որոնցից ղխավորներն է Այրարատը, Դարանադին, Նկեղիքը, Տարոնը, Բղնունիքը և Մոփքը. «Ջալնու ժամանակա սուրբն Ներսէս շրջէր ընդ իւր ձեռական իշխանութիւնսն. զի հնդկտասան դաւառ զայն՝ ձեռական իշխանութեան ունէին իբրև սեպհական ի բնմէ առանձին սուղողդի նոցա էր կարդեալ։ Եւ յայն դաւառ ղխաւոր դաւառք այս էին՝ Այրարատ, Դարանադէ, Նկեղեցայ, Տարոն, Բղնունիք, Մոփք և որ ընդ մեջ նոցա և որ շուրջ զնոք»³⁶։ Այս վեց ղխավոր դավառներում էին գտնվում հեթանոսական ղխավոր աստվածների մեհյանները, հետևաբար՝ հեթանոս օրմերի կալվածները և հարուստ ունեցվածքը։ Ներսես Մեծը նրանց պատկանող կալվածները և ունեցվածքը կաթողիկոսական կալվածների մեջ մտցրեց։ Մոփք, լինելով կաթողիկոսի ձեռնարկն իշխանությունը, կազմում էին առանձին եկեղեցական վիճակներ։ Այս ցանկը համապատասխանում է Ագաթանգեղոսի տվյալներին՝ IV դարի սկզբին գոյություն ունեցող եկեղեցական թեմերի վերաբերյալ։ Բուզանդը հիշատակում է նաև Մանադկերաի թեմի մասին։ Նա գրում է, որ Խոսրով թավափորի և Վրթանես կաթողիկոսի օրոք Մանավադյան Որդունի տոհմերը միմյանց դեմ պատերազմներ էին մղում։ Թագավորը խլում է նրանց տիրույթները և իսպառ վերացնում այդ երկու նշանավոր տոհմերին։ Աղբիանոս Լափսկոպոսին Հայոց թագավորը տալիս է Մանավադյանների ավանը և նրանց նահապետի աթոռանիստ դյուղը՝ Մանադկերտը՝ իր բոլոր սահման-

31 Նույն տեղում։

32 Ն. Աղոնյ. նշվ. աղյ., էջ 384։

33 Նույն տեղում, էջ 383։

34 Փ ա վ ս տ ո ս, դպր. Զ, դ. Բ, էջ 400, դ. Գ, էջ 402, դ. Դ, էջ 402, 404 և այլն։

35 Նույն տեղում, դպր. Դ, դ. ԺԶ, էջ 194։

36 Փ ա վ ս տ ո ս, դպր. Դ, դ. ԺԴ, էջ 178—180։

ներով և նրա շուրջը եղած գավառներով՝ Եփրատ գետի կողմերում: Իսկ Որդունիների տիրույթները տալիս է Բասենի եպիսկոպոսին, որի աթոռանիստը դառնում է Որդու ավանը³⁷: Փարպեցին ևս հիշատակում է Մանազկերտի (Մանձկերտ ձևով) և Բզնունիքի թեմերը³⁸: Բզնունիքը, ինչպես նշել ենք, կա նաև Ագաթանգեղոսի արաբերեն խմբագրության մեջ, որը Տարոնի հետ միասին կազմում էր մեկ թեմ³⁹:

Այսպիսով, հիմնվելով այլ աղբյուրների (Բուզանդ, Եվսեբիոս Կեսարացի) վրա, կարող ենք շարունակել Ագաթանգեղոսի ցանկը IV դարի թեմերի վերաբերյալ և կավելանան՝ 15. Մոփքի, 16. Աղձնիքի, 17. Բզնունիքի, 18. Մանազկերտի թեմերը:

Եթե ուշադրություն դարձնենք IV դարի սկզբին Հայաստանում եկեղեցական թեմերի տեղաբաշխման աշխարհագրության վրա, ապա կտեսնենք, որ դրանք գտնվում են, ինչպես նշվել է, Մեծ Հայքի արևմտյան ու հարավարևմտյան գավառներում և մոտ են գտնվում կայսրությանը: Կարծում ենք դա բնական է և ունի իր պատճառները: Ինչպես գրում է Աղոնցը, Հայ Եկեղեցու գոյության առաջին դարում, Գրիգոր Լուսավորչից մինչև Մեծ Հայքի բաժանումը IV դարի վերջին, Հայաստանը գտնվում էր առավելապես կայսրության ազդեցության տակ, և այդ պատճառով էլ եկեղեցական հարաբերությունները նրանց միջև ավելի սերտ էին⁴⁰: Իսկ Մանանդյանը նշում է, որ քրիստոնեության մուտքը Հայաստան ավելի սերտ հարաբերությամբ կապեց վերջինիս Հռոմեական կայսրության հետ ոչ միայն քաղաքակրթական, այլև մշակութային առումով⁴¹: Դա ճիշտ է, բայց հատկապես այդ երկրամասերում եկեղեցական վիճակների հիմնումը Գրիգոր Լուսավորչի կողմից ունի ևս երեք, թերևս գլխավոր պատճառներ: Մեկի մասին արդեն խոսել ենք: Դա, մինչև հայոց պաշտոնական դարձը, առաջին երեք դարերում քրիստոնեության գոյությունն էր Հայաստանում: Այդ գավառներում ու երկրամասերում քրիստոնեական համայնքների, եկեղեցիների և մատուռների (Մոփքում, Աշտիշատում, Եկեղիքում և այլն) գոյությունը, Հայաստանում քրիստոնեության պաշտոնական ճանաչումից հետո հեշտացրեց Գրիգոր Լուսավորչի կողմից առաջին թեմերի հիմնումը և եկեղեցական գործի կազմակերպումը: Երկրորդ, դա կապված է Հայաստանի քրիստոնեության մուտքի հետ, որը տեղի ունեցավ երկու ճանապարհով:

Ինչպես գիտենք, Հռոմեական կայսրությունում քրիստոնեությունը սկզբում տարածվել է նրա արևելյան պրովինցիաներում՝ Ասորիքում, Պաղեստինում, Կիլիկիայում, Կապադովկիայում և այլն: Այս երկրներից քրիստոնեական ուսմունքը թափանցում է Հայաստան, ինչպես նաև Պարսկաստան: Արդեն II—III դդ. քրիստոնեությունն իշխող կրոն էր դարձել կայսրության արևելյան այդ մասերում: Քրիստոնեության մի հոսանքը հարավից՝ Ուռհայի կամ Եդեսիայի կողմից, մուտք է գործում Մեծ Հայքի հարավային և հարավարևելյան գավառներ, սկզբում՝ Մոփք, այստեղից էլ Հայաստանի խոռքը՝ Տարոն, Բզնունիք, Հարթ և այլն: Անանյանը նկատում է, որ սրանով պետք է բացատրել Հայոց եկեղեցու որոշ կապը Եդեսիայի աթոռի հետ⁴²: Այդ կապի մասին խոսվում է նաև Հայոց Կանոնագրքի Առաքելական կանոններից մեկում. «Ընկալավ ձեռնադրութիւն քահանայութեան յառաքելոյն Ուռհայ եւ ամենայն քաղաքն որ շուրջ գնովա, Մծբին եւ Արաբ եւ սահմանակից Միջագետաց՝ Հայք եւ ամենայն հիւսիս եւ հարավ ի Թագդէ առաքելոյ, որ էր մի յերկոտասանից առաքելոյն»⁴³: Քրիստոնեության մյուս հոսանքը Մեծ Հայք

³⁷ Նույն տեղում. դպր. Գ, գլ. Դ, էջ 18:

³⁸ Ղ ա ղ ա Ր Փ ա Ր պ ե ց ի. Հայոց պատմություն. Երևան, 1982, էջ 100—101:

³⁹ H. Mapp. Ykaz, coq., c. 136—137.

⁴⁰ Ն. Ա գ ո ն ց. նշվ. աշխ., էջ 400:

⁴¹ Հ. Մ ա ն ա ն դ յ ա ն. նշվ. աշխ., հ. Բ, մաս Ա, էջ 133:

⁴² Պ. Ա ն ա ն յ ա ն. նշվ. աշխ., էջ 75:

⁴³ Կանոնադիրը Հայոց. հ. Ա, Ե., 1964, ԼԴ, Բ, էջ 61—62:

Թափանցեց արևմուտքից՝ Կապադովկիայից և Փոքր Հայքից: Այն նախ և առաջ տարածվեց նրանց հարող Բարձր Հայքի գավառներում՝ Դերջանում, Դադաստում, Կապադովկիայում, Եփեսոսում, Եփեսոսից և այլն: Կեսարիայից էլ դարձավ նաև Գրիգոր Լուսավորիչը և ծավալում էր գործունեությունը: Բարձր Հայքի այդ գավառները, ինչպես գրում է Փավստոսը, պատկանում էին Լուսավորչի տոհմին: Դարանաղի և Եկեղյաց գավառներում (Թիլ ավանում) էր գտնվում նրանց տոհմական դամբարանը⁴⁴, Եկեղիքում՝ Թեոդորոս Սալմուսեան հատակության վայրը և մատուռը, իսկ Աղբիանոսի տոհմին էին պատկանում հարոնը (Աշաիշատ), Բզնունիքը: Հետագայում Աղբիանոսին տրվեց նաև Մանավազյանների տիրույթը, որտեղ հիմնվեց Մանազկերտի եպիսկոպոսությունը, որը հաճախ (ավելի ուշ շրջանում) էր ամենամեծ գավառի՝ Հարբի անունով կոչվում էր նաև Հարբի եպիսկոպոսություն:

Եվ վերջապես մի հանդամանք ևս, մեր կարծիքով, մեծ դեր է խաղացել այդ գավառներում և երկրամասերում առաջին եպիսկոպոսությունները հիմնելու գործում: Ազաթանդեղոսը վկայում է, որ թագավորական ողջ ընտանիքը և մեծ թվով նախարարներ իրենց զորքերի հետ միասին մկրտվում են Եփեսոս-Արտասանի աղբյուրների մոտ՝ Բագավան վայրում, նպատակը՝ բարձր լեռան ստորոտում⁴⁵: Դարանաղիի Անի ամրոցում էր գտնվում Արամաղդի մեհյանը, Եկեղիքի Երիզա ավանում, Աղծնիքի Դարբնաց Քար կոչված վայրում, Աշտիշատում՝ Անահիտ դիցուհու մեհյանները, Թիլում՝ Նանեի: Աշտիշատը հռչակավոր էր իր երեք մեհյաններով, որոնք նվիրված էին Վահագնին, Անահիտին, Աստղիկին, հեթանոս քրմերի գլխավոր կենտրոնատեղի էր և այլն: Սրանք նախաքրիստոնեական շրջանում Մեծ Հայքի առավել նշանավոր հեթանոսական կենտրոններն էին: Մեր պատմիչները շեշտում են, որ Գրիգոր Լուսավորիչն ավերում էր հեթանոսական մեհյանները, հին պաշտամունքի հուշարձանները և նրանց տեղը հիմնում եկեղեցիներ: Հեթանոսական պաշտամունքն արմատախիլ անելու և նոր կրոնը ժողովրդի մեջ տարածելու, երկրում արմատավորելու համար, հեթանոսական հենց այդ կենտրոններում, բնականաբար, պիտի ստեղծվեին առաջին եկեղեցական թեմերը:

Կորյունի մոտ կան որոշ տեղեկություններ մինչև գրերի գյուտը և Մեսրոպ Մաշտոցի ծավալած գործունեությունը Հայաստանում գոյություն ունեւած եպիսկոպոսությունների և Մաշտոցի կողմից հիմնադրվածների մասին: Կորյունը գրում է, որ երբ Մաշտոցն իր աշակերտների հետ անցնում է Հայաստանի արևմտյան (Հունաց) մաս, նրան դիմավորում են Հունաց մասի եպիսկոպոսները, որոնք բաղում պատիվներ են տալիս նրան, իսկ Դերջանի Դինիթ եպիսկոպոսին Մաշտոցն իր հետ տանում է Կոստանդնուպոլիս⁴⁶: Փարպեցին հիշատակում է Եկեղյաց գավառի Հոհան եպիսկոպոսին, Մուշ եպիսկոպոսին՝ Տարոն գավառից⁴⁷, որոնք պետք է օգնեին Մաշտոցին հայոց այբուբենի կարգավորման գործում: Աղոնցը, մեջբերելով Կորյունի և Փարպեցու վերը արված հիշատակությունները և ավելի ուշ շրջանի եկեղեցական ժողովների մասնակիցների ցուցակները, որոնցում կային եպիսկոպոսներ Դերջանից, Եկեղիքից, Դարանաղիից և այլն, գրում է, որ VI—VII դդ. եպիսկոպոսություններ գոյություն ունեին ներքին Հայքի գլխավոր գավառներում՝ Կարինում, Դերջանում, Եկեղիքում, Դարանաղիում: Երբ և ի՞նչ հաջորդականությամբ հիմնվեցին այս եպիսկոպոսությունները, շարունակում է Աղոնցը, այնքան էլ պարզ չէ⁴⁸: Մինչդեռ սրանք հենց այն թեմերն են, որոնք հիշատակված են հունարեն ու արաբերեն Ազաթանդեղոսի և Բուզանդի մոտ, հիմնրվել են IV դարի սկզբին՝ Գրիգոր Լուսավորչի կողմից և մինչև 387 թ. բա-

44 Փ ա վ ս տ ո ս, գլխ. Գ, գլ. Բ, էջ 14, գլ. ԺԱ, էջ 46, գլ. ԺԲ, էջ 52:

45 Ա գ ա թ ա ն գ և ղ ո ս, էջ 420—421:

46 Կ ո ղ ո ն. Վարդ Մաշտոցի, Երևան, 1981, էջ 112—114:

47 Ղ ա դ ա թ Փ ա թ ա լ ե ց ի, էջ 31:

48 Ա գ ո ն ց. նշվ. աշխ., էջ 401:

Ժանուար պառականել են Հայաստանյայց Աթոռին: Կորյունի մոտ հիշատակվում է նաև Խորձենական գավառի Տիր եպիսկոպոսը⁴⁹, իսկ Փարպեցու մոտ՝ Եկեղյաց և Տարոնի եպիսկոպոսների հետ միասին նաև Խորձենականից (Բնագրում՝ Խորձյան) հավանաբար նույն Տիր եպիսկոպոսը և Պաղնատուն գավառից՝ Հովսեփ եպիսկոպոսը⁵⁰, որոնց մասին չկա հիշատակություն Ագաթանգեղոսի կամ Բուղանդի մոտ: Սրանց Սահակ կաթողիկոսը տվել էր Մաշտոցին որպես օգնականներ: Կորյունի և Փարպեցու այս անուղղակի տվյալները վկայում են, որ Խորձենական և Պաղնատուն գավառների եպիսկոպոսությունները եթե չեն էլ հիմնվել Լուսավորչի կողմից, ապա ունեն հին ծագում և արդեն IV դարում գոյություն ունեին: Ուստի, IV դարի Հայաստանյայց Աթոռին պատկանող եկեղեցական թեմերի ցուցակը լրանում է ևս երկուսով. 19. Պաղնատուն և 20. Խորձենական գավառներում:

Այստեղ խոսքը ոչ թե հատկապես քսան թեմերի մասին է, այլ այն գավառների և երկրամասերի, որտեղ IV դարում գոյություն են ունեցել եկեղեցական թեմեր: Քսանը կարող էր դառնալ (և այդպես էլ է) քսաներկու, քսաներեք և այլն: Դա բացատրվում է նրանով, որ որոշ եպիսկոպոսություններ, որոնք միավորված էին մեկ թեմի մեջ, տարբեր ժամանակներում տրոհվում էին և կազմում առանձին թեմեր: Այսպես, Ագաթանգեղոսի մոտ Եկեղիքը և Դերջանը կազմում են մեկ թեմ, մինչդեռ Բուղանդի, Կորյունի և Փարպեցու մոտ նրանք արդեն առանձին թեմեր են: Նույնը կարելի է ասել նաև Տարոնի և Տայքի, Տարոնի և Բղնունիքի մասին: Տարոնը և Տայքը հունարեն Ագաթանգեղոսի, իսկ Տարոնը և Բղնունիքը՝ արաբերեն Ագաթանգեղոսի մոտ հանդես են գալիս միասին և կազմում են մեկ թեմ՝ որպես Մամիկոնյան տոհմի եպիսկոպոսություն: Այնինչ Բուղանդի (նաև Փարպեցու) մոտ, նրանք նշվում են առանձին և այլն:

Մեծ Հայքի արևմտյան թեմերի՝ որպես Հայ Եկեղեցուն պատկանողների, մասին այլևս հիշատակություններ չկան: Հայաստանի կայսերական մասի եպիսկոպոսությունները 387 թ. բաժանումից հետո այլևս չէին ենթարկվում Հայաստանյայց Աթոռին: Հետևաբար, եկեղեցական ժողովների արձանագրությունները կամ եպիսկոպոսությունների վերաբերյալ մեր պատմիչների մեջբերած ցանկերը, «Գիրք թղթոցի» տվյալները թերի են ոչ թե այն առումով, որ չկան Հայաստանի կայսերական մասի թեմերի ներկայացուցիչները, այլ նրանով, որ Հայաստանյայց Աթոռին պատկանող ոչ բոլոր թեմակալ եպիսկոպոսներն են հիշվել կամ մասնակցել այս կամ այն եկեղեցական ժողովին: Իսկ կայսերական մասի թեմերը Մեծ Հայքի 387 թ. բաժանումից հետո ենթարկվում էին արդեն կայսերական եկեղեցուն: Այդ գավառները և երկրամասերը դուրս մնացին Հայաստանի քաղաքական սահմաններից, բնականաբար, և Հայաստանյայց Եկեղեցու իշխանությունից, քանի որ եկեղեցու իշխանությունը սկզբնական շրջանում համասլատասխանում էր երկրի քաղաքական սահմաններին:

Խոսելով IV դարի Հայ Եկեղեցու թեմական բաժանման մասին, չենք կարող շանդրադառնալ Ագաթանգեղոսի մեկ այլ վկայությանը, ինչպես նաև Սահականոս Օրբելյանի և Ուխտանեսի տվյալներին:

Այսպես, Ագաթանգեղոսը վկայում է, որ Գրիգոր Լուսավորիչը Հայաստանի համար ձեռնադրել է ավելի քան 400 եպիսկոպոս. «...յաստիճան եպիսկոպոսութեան ձեռնադրեցան ի նմանէ՝ աւելի քան զշորեքարիւր եպիսկոպոս, որք կային տեսուչ տեղեաղ տեղեաց: Իսկ կարգ երիցունց կամ սարկաւազաց կամ անագնովասաց, և որ այլ ևս ի պաշտօն Տեառն կային՝ անթիւք էին ի բազմութենէն»⁵¹, Հատկապես այս վկայությունն ի նկատի ունի Աղոնցը, որ Ագաթանգեղոսին համարում է անհավաստի աղբյուր IV դարի եկե-

49 Ի ո Ր Յ ու ն, էջ 108:

50 Փ ա Ր ս Յ ի, էջ 34:

51 Ա գ ա թ ա ն գ ե ղ ո ս, էջ 432:

ղեցական թեմերի ուսումնասիրման համար⁵²։ Բայց ալստեղ խոսվում է ոչ թե շորս հարյուր թեմերի, այլ այդքան եպիսկոպոսների ձեռնադրման մասին։ Իսկ ոչ բոլոր եպիսկոպոսներն են թեմի առաջնորդներ։ Մեր պատմիչները տարբերում են վիճակավոր և ոչ վիճակավոր եպիսկոպոսներին իրարից, և հաճախ են կոչը կոչքի նշում «վիճակավորք և եպիսկոպոսք», «վիճակավորաց և եպիսկոպոսաց» և այլն։ Վիճակավոր եպիսկոպոսները կոչվում են նաև բարձրերևոյ, աթոռներկալ և ժողովների ժամանակ բազմում էին Հայրապետի աջ ու ձախ կողմում։ Բացի այդ, չպետք է անտեսել բորեպիսկոպոսներին։ Ձեռնադրված այդ շորս հարյուր «եպիսկոպոսների» մեջ հավանական է որ լինեին մեծ թվով բորեպիսկոպոսներ, որոնք բնականաբար թեմակալ առաջնորդներ չէին։

Օրմանշանն ընկնում է հակառակ ծայրահեղության մեջ։ Նա, հավանական համարելով Աղաթանդեղոսի այդ տվյալը (400 թիվը), անում է հետևյալ եղրակացությունը. քանի որ պատմական Հայաստանի գավառներն ըստ «Աշխարհացոյցի» մոտ երկու հարյուր են, ուստի ամեն մի գավառ է ուղարկվել մի եպիսկոպոս՝ որպես թեմի առաջնորդ, նրանց հետ էլ՝ մեկական բորեպիսկոպոս⁵³։ Արդյունքում ստացվում է պատմիչի նշած շորս հարյուր թիվը։ Սակայն սա մենք համոզիչ չենք համարում, քանի որ վիճակների բաժանումը չի համապատասխանել ոչ նահանգների և ոչ էլ հատկապես գավառների րտժամանակ, այլ՝ սկզբնական շրջանում համեմատ քրիստոնեության տարածման, իսկ հետո նաև՝ իշխանի դիրքի և բարձրության։

Պետք է ուշադրություն դարձնել մի հանգամանքի վրա ևս։ Եկեղեցու և ընդհանրապես հայոց պատմության մեջ այլևս չենք հանդիպի եպիսկոպոսների, սարկավազների կամ եկեղեցու այլ աստիճանավորների և սպասավորների նման դանդաղածային ձեռնադրման։ Դա բնական է։ Քրիստոնեությունը նոր էր պաշտոնապես ճանաչվել պետական կրոն և պաշտոնապես ճանաչված եկեղեցուն հարկավոր էին մեծ թվով եկեղեցականներ, եկեղեցական աստիճանավորներ և սպասավորներ, որպեսզի սրանք կարողանային ժողովրդի մեջ տարածել քրիստոնեական դադափարախոսությունը և ամենակարևորը՝ պայքարելն հեթանոսական պաշտամունքի, կուռքերի և հեթանոս աստվածների դեմ։

Այս տմենը հաշվի առնելով, կարծում ենք, որ Աղաթանդեղոսի վկայությունը՝ շորս հարյուր «եպիսկոպոսների» և եկեղեցու այլ աստիճանավորների ձեռնադրման մասին հավաստի է, և դրա տակ չպետք է ուղղակիորեն հասկանալ շորս հարյուր թեմակալ եպիսկոպոսներ։ Եթե անգամ հայ պատմիչը շատ ավելի մեծ թիվ նշեր, ապա դա նույնպես տարակուսանքի տեղիք չպետք է տալ։

Ըստ Ստեփանոս Օրբելյանի, Գրիգոր Լուսավորիչը հիմնել է երեսունվեց թեմ. «Այս կարգի և սուրբն Գրիգոր զեկեղեցական դասս, զգահ և զպատիւ եպիսկոպոսացն. և հրամայէ բազմել ընդ ինքեան աթոռով և ոսկենկատ բարձր 36 եպիսկոպոսաց՝ 18 յաջմէ և 18 յահեկէ. յաջմէ առաջին Հարթայ եպիսկոպոսն և յահեկէ առաջինն Բասենոյն, իսկ Սիւնին յաջ կողմանն յեթներորդն Կահուն նստուցանէ...»⁵⁴։ Գրեթե համանման տեղեկություն է հաղորդում նաև Ուխտանեսը, ըստ որի, սակայն, Լուսավորիչը հիմնվել է ոչ թե 36, այլ 30 թեմ և, ի տարբերություն Օրբելյանի, թվարկում է բոլոր երեսուն թեմերը⁵⁵։ Երկու պատմիչներն էլ օգտվել են նույն աղբյուրից՝ Կամրջաձորի վանքի վանահայր Սամվելի հաղորդած տեղեկություններից, որի մասին մատնանշում

52 Ն. Աղոնց. նշվ. աշխ., էջ 384։

53 Մ. Օրմանշան. Աղապատմ., հ. Ա, էջ 99։

54 Ստեփանոս Օրբելյան. Պատմութիւն նահանգին Սիսական. Թիֆլիս, 1910, էջ 25։

55 Ուխտանէս եպիսկոպոսի Պատմութիւն Հայոց, Վազարշապատ, 1871, էջ 100։

է նաև ինքը՝ Սա. Օրբելյանը⁵⁶։ Իսկ թվերի տարբերությունն Ադոնցը բացատրում է նրանով, որ Օրբելյանի ձեռքի տակ եղել է Սամվել Կամրջաձորեցու աշխատության մեկ այլ օրինակ⁵⁷։

Օրբելյանը չի թվարկում իր հիշատակած 36 թեմերը, այլ նշում է միայն Հայքի և Բասենի, ինչպես նաև, բնականաբար, Սյունյաց եպիսկոպոսությունը։ Ուստի դժվար է որևէ բան ասել նրա և մեր վերը բերված ցանկի համապատասխանության կամ անհամապատասխանության մասին։ Մեր կարծիքով, Սա. Օրբելյանը բոլոր եպիսկոպոսությունների ծագումը կապում է լուսավորչի անվան հետ, լուկ Սյունյաց թեմի հնութունը հիմնավորելու և ավելի պատկառանք հաղորդելու համար։ Այնինչ, Սյունյաց թեմը V դարից վաղ ոչ մի տեղ չի հիշատակվում, իսկ Կորյունը վկայում է, որ Սյունյաց եպիսկոպոսությունը հիմնվել է Մաշտոցի կողմից՝ V դարի սկզբներին, Սյունիքում ծավալած իր գործունեության ժամանակ։ «Ապա յետ այնորիկ ի սահմանակիցս ի Սիւնական աշխարհն ելանէր... Եւ ժողովեալ մանկանս առի նիւթ վարդապետութեանն... մինչեւ ի նոցունց իսկ ի վայրենեացն եպիսկոպոս տեսուչ եկեղեցւոյն Սիւնեաց կարգել, որոյ անունն կոչէր Անանիապայր սուրբ և երեւելի, հայրաբարոյ ժառանգաւորաց եկեղեցւոյ։ Ապա և զերկիրն Սիւնեաց դասուք վանականաց լնոյր»⁵⁸։ Ի դեպ, հենց այս նույն Անանիա եպիսկոպոսն է, որ առաջին անգամ հիշատակվում է Հայոց եպիսկոպոսությունների ցուցակներում՝ V դարում⁵⁹։

Այժմ վերադառնանք Ուխտանեսին։ Պատմիչը հանվանն թվարկում է երեսուն եպիսկոպոսություններ, որոնք իբր հիմնել է Գրիգոր Լուսավորիչը, և վերջում, նկատի ունենալով Ազաթանգեղոսի տվյալները (չորս հարյուր եպիսկոպոսների վերաբերյալ), անհամապատասխանությունը հարթելու համար ավելացնում է, որ Լուսավորիչը հաստատել է «ևս երեք հարյուր և եւթանասուն եպիսկոպոսք»։ Ընդ որում այդ երեսունին նա համարում է «աթոռակալ և տարբերություն է դնում նրանց և «երեք հարյուր յոթանասուն» աթոռ չունեցող եպիսկոպոսների միջև։ Այդ երեսուն եպիսկոպոսություններն են.

- | | |
|----------------------|--|
| 1. Եպ. Հարթայ | 16. Եպ. Ապահունեաց |
| 2. Ոստան Եպ. | 17. Եպ. Արշամունեայ |
| 3. Լպ. Տայոց | 18. Եպ. Գնունեաց |
| 4. Լպ. Մարդաղոյ | 19. Լպ. Գողթան |
| 5. Եպ. Արշամունեայ | 20. Եպ. Գարդմանայ |
| 6. Եպ. Արծրունեաց | 21. Եպ. Ակէոյ |
| 7. Եպ. Սիւնեաց | 22. Եպ. Ծրուտակայ |
| 8. Եպ. Ռշտունեայ | 23. Եպ. Բաժունեաց |
| 9. Եպ. Մոկաց | 24. Եպ. Ասորեաց |
| 10. Եպ. Ամատունեայ | 25. Եպ. Անձեւացեաց |
| 11. Եպ. Բասենոյ | 26. Լպ. Պալունեաց |
| 12. Եպ. Մամիկոնէից | 27. Եպ. Մեհնունեաց |
| 13. Եպ. Բագրեւանդայ | 28. Եպ. Էլոյ |
| 14. Լպ. Խորխոռունեայ | 29. Լպ. Զարեւանի |
| 15. Եպ. Արշարունեայ | 30. Եպ. Միւսաւորեաց (միւս Ասորեաց) ⁶⁰ ։ |

Մենք հանդամանորեն կանգ չենք առնի և քննության չենք ենթարկի ուխտանեսյան ցանկը։ Միայն հակիրճ կերպով կփորձենք հիմնավորել, որ

⁵⁶ Սա և փ ա ն ն ո ս Օ Ր Բ Է Լ Ե Մ Ե, էջ 25։

⁵⁷ Ն. Ա ղ ո ն ց. Նշվ. աշխ., էջ 361—362։

⁵⁸ Կ ո Ր Յ ո Ւ Ն, էջ 108։

⁵⁹ Ե Ղ Ի Չ Ե. Վասն Վարդանայ և Հայոց պատերազմին. Երևան, 1957, էջ 27—28։ Փ ա Ր - ս յ Ե ց Ի, էջ 100—101։

⁶⁰ Ու խ տ ա ն Ե ս, էջ 100։

այդ ցանկը չի վերաբերում IV դարին և խոսքը Գրիգոր Լուսավորչի օրոք կամ նրա կողմից հիմնված թեմերի մասին չէ։ Իսկ թե որ դարին է վերաբերում Ուխտանեսի ցանկը, այլ ուսումնասիրության նյութ է և դուրս է մեր հայատուհներից։

Այս ցանկը չի կարող վերաբերել Լուսավորչի ժամանակաշրջանի եպիսկոպոսություններին մի քանի պատճառներով։ Նախ, այստեղ չկան նրա հիմնած կամ IV դարում Հայաստանայց Աթոռին պատկանած թեմերը՝ Եկեղիբի, Դերջանի, Դարանաղիի, Պոփբի, Սպերի, Կարինի, Խորձենականի, Պաղնատան, Հայաստանի կայսերական մասի այս թեմերը 357 թ. բաժանումից հետո չէին պատկանում Հայաստանայց Աթոռին և դուրս էին Հայ Եկեղեցու իրավասությունից։ Այնուհետև, մի շարք եպիսկոպոսությունների անվանումներ վկայում են, որ այս ցանկը պատկանում է IV դարից շատ ավելի ուշ ժամանակաշրջանի։ Այսպես, Ուխտանեսի ցանկում առաջինը նշված է Հարբի եպիսկոպոսը։ Մինչև V դարի կեսերը Հարբի թեմը կոչվել է Մանազկերտի (Բուղանդ, Փարպեցի, Եղիշե) և միայն 450 թ. հետո (450 թ. Արտաշատի եկեղեցական ժողովի ցուցակներում այդ թեմը դեռևս կոչվում էր Մանազկերտ անվամբ)⁸¹ այն անվանվում է Հարբի եպիսկոպոսություն⁸², այսինքն՝ այն դավառի անունով, որտեղ գտնվել է Մանազկերտը։ Սյունյաց թեմի առաջաման ժամանակաշրջանի մասին արդեն խոսել ենք՝ կապված Ստ. Օրբելյանի վկայությամբ հետ։ Տարոնի եպիսկոպոսությունը, ինչպես դա երևում է հունարեն Աղաթանգեղոսի տվյալներից⁸³, Տայբի կամ, ըստ Աղաթանգեղոսի արաբական վերսիայի⁸⁴, Բղնունիքի հետ կազմել է մեկ թեմ։ IV դարի վերջերից կամ V դարի սկզբներից, ինչպես ասվել է, նրանք հանգես են դադարեցրել և կազմում են ինքնուրույն թեմեր։ Ուխտանեսյան ցանկում չկա Տարոնի թեմը, սակայն չենք կարող խոսել այդ թեմի ներկայացուցչի բացակայության մասին, որովհետև սկսած V դարից (հավանաբար V դարի վերջերից, քանի որ 450 թ. Արտաշատի ժողովում այդ թեմը դեռևս անվանվում է Տարոնի եպիսկոպոսություն) այն կոչվում է «Տարոնի և Մամիկոնեից»⁸⁵ կամ ուղղակի «Մամիկոնեից» եպիսկոպոսություն, ինչպես Ուխտանեսի մոտ է⁸⁶, Աղձնյաց և Կորդվաց եպիսկոպոսությունների բացակայությունը ևս վկայում է, որ այս ցուցակը Լուսավորչի ժամանակաշրջանին չի պատկանում։ Այնուհետև, էլյոյի (Ելոյ, Եղոյ, էլի) եպիսկոպոսությունը բացի Ուխտանեսի ցանկից, առաջին անգամ հիշատակվում է VI դարի վերջերին և VII-ի սկզբին՝ (Հոհանիկ եպիսկոպոս) Դվինի ժողովում, Մովսես կաթողիկոսի մահից հետո նոր կաթողիկոս ընտրելու կապակցությամբ⁸⁷, որից հետո (607 թ. Արրահամ կաթողիկոսի գումարած ժողովում⁸⁸ և այլն) միշտ հանդիպում է եպիսկոպոսությունների ցանկերում։

Նկատի ունենալով այս բոլորը՝ մի շարք թեմերի առաջացման ժամանակաշրջանը, մի քանիսի անվանումների փոփոխությունները, և ամենակարևորը՝ կայսերական մասի թեմերի բացակայությունը, կարծում ենք, որ հայ եպիսկոպոսությունների ուխտանեսյան ցանկը չի կարող վերաբերել IV դարին, առավել ևս՝ Լուսավորչի ժամանակաշրջանին։

Այսպիսով, ինչպես տեսանք վերը, մեր պատմիչների (Աղաթանգեղոս, Բուղանդ, Կորյուն, Փարպեցի), ինչպես նաև օտար մի շարք աղբյուրների տեղեկությունները, մինչև IV դարի վերջը եպիսկոպոսական թեմերի վերաբեր-

⁸¹ Փ ա ր պ ե ճ ի, էջ 100—101, Եղիշե, էջ 27—28.

⁸² Գիրք թղթոց, էջ 41—42, 73 և հտ.։

⁸³ G a r l i t t e. Op. cit., p. 102, 104, 172.

⁸⁴ II. М а р р. Указ. соч., с. 136—137.

⁸⁵ Գիրք թղթոց, էջ 73.

⁸⁶ Տե՛ս նաև՝ Գիրք թղթոց, էջ 41, 78, 223—224 և այլն.

⁸⁷ Նույն տեղում, էջ 146—147.

⁸⁸ Նույն տեղում, էջ 149, 151.

յալ, համընկնում են: Մենք հակված ենք այն մտքին, որ այն բոլոր եպիսկոպոսությունները, որոնց մասին խոսվեց, հավանաբար լրիվ ցուցակը չէ IV դարի Հայ եկեղեցու թեմերի: Բայց կարծում ենք, որ հայոց դրերի գյուտից և Սահակ—Մաշտոցի գործունեությունից հետո, որը շրջադարձային էր ոչ միայն մեր մշակույթի, քաղաքական, այլև եկեղեցու պատմության համար, մեծ թափով ընթացավ նոր թեմերի հիմնումը՝ կապված քրիստոնեության ավելի լայն տարածման և նրա անհրաժեշտության ընդունման հետ: Այն ցեղադրված էր նաև Պարսկաստանի կողմից գնալով ուժեղացող կրոնափոխության քաղաքականությամբ, ինչպես նաև նեստորական, մանիքեական և այլ հոսանքներին դիմակայելու անհրաժեշտությամբ:

ЕПАРХИАЛЬНОЕ ДЕЛЕНИЕ АРМЯНСКОЙ ЦЕРКВИ В IV ВЕКЕ

А. С. КАЗАРЯН

Резюме

После установления в Армении христианства как государственной религии начинается процесс основания церковных епархий. В начальный период, при Григории Просветителе, епархии были основаны главным образом в западных, юго-западных и южных краях Армении, что объясняется следующими причинами. Во-первых, до официального обращения армян в этих краях (Сифена, Дорджава, Ангини т. Екхрик и т. д.) уже существовали христианские общины, что облегчало дело со дня первых епархий. Во-вторых, это было связано с двумя основными путями проникновения христианства в Армению, одного—с запада, из восточных провинций Римской империи—Каппадокии и Малой Армении, сопредельных с западными гаварми Великой Армении, и второго—с юга, из Сирии—Эдессы, сопредельной с ее южными и юго-западными гаварми. Первоначально, при Григории Просветителе, как явствует из данных Агатагелоса и других источников, в Армении было основано 20 епархий.